



UNIVERSITÄTS-  
BIBLIOTHEK  
PADERBORN

**De Vita Petri Canisii De Societate Iesv**

**Rader, Matthäus**

**Monachii, 1614**

VI. Elogia & iudicia variorum de Canisio.

---

[urn:nbn:de:hbz:466:1-70957](#)

Salmeronis Epistolam ad Canisium  
olim datam, qua viri eruditio & vir-  
tus mirificè illustratur. Sed quia lon-  
gior est, quam vthuc transferatur,  
in Salmeronis operibus legitur, po-  
terit lector illā inde, si volet, petere.

ELOGIA IV DICIA QVE VA-  
RIORVM DE CANISIO.

CAPVT. VI.

CAnisio, nescio quo pacto contra-  
ferè morem sæculorum usue-  
nit, vti viuus plurimum celebrare  
tur, & mortuus amplius coleretur;  
præsertim ubi sacrū eius pignus cor-  
poris apud Heluetios cum summa  
veneratione custoditur. Virum ad-  
mirabantur Pontifices, venerabātur  
Cæsares, Cardinales, Principesque  
officiosissimè complectebantur; an-  
tagonistæ formidabant, inferorum  
Principes refugiebant, tanta de viuē-  
tis virtute fama longè lateq[ue] diffe-  
rebatur. Ferdinandus Imperator tu-  
endæ

endæ pietatis & Catholicæ doctrinæ per omne imperium Romanum defendendæ ac propagandæ studiosissimus, Canisium in edicto suo pro illius catechesi præposito appellat *honorablem, religiosum, deuotum, sibi dilectum.* Albertus Boiorum princeps *Alberti* illud columen Germanie, secundum *Principis* Deum, Canisio & Hoffæo religionē *Boiorum* Catholicam, & salutem gentis suæ *iudicium* defensam & retentam in acceptis re- *de Canisio* & Hoffæo. tulit, solitus de vtroque dicere: *Petrus Apostolus, & Paulus doctor gentium, ipsi nos docuerunt legem tuam Domine.* Ex annalibus Academiæ Ingolstadianæ, cui cum summa potestate præfuit, hoc factum de illo iudicium huc putauit transcribendum.

*Ex Academia Ingolstadiana*

*Anno Domini CIC. IO. L. die XVIII. Octobrus Rector CXLIIX. Petrus Canisius Annals Doctor, Theologus, & professor Societatis bus. IESV Collega. De hoc Magnifice Domino Rectore nescio certe quid scribam. Nam si tantum eius ponam nomen, multis & præstantiſ-*

stantissimis illius viri, & de Catholica Ecclesia optimè promeriti virtutibus fit iniuria: Si Encomiasticon instituam, luci intulero tenebras. Quid igitur faciam in eo, qui laudari neque à me, neque à distissimo quoq[ue] potest condigne? Remitto Elocem ad illius opera, & disertè, & eruditè, & Catholice hactenus edita. Si quis meliora & maiora, quam ego possum, se præstare confidit, is viderit, quomodo de tanto heroe, tam pio viro, tam forti Ecclesie Catholice Athleta benè possit dicere. Egūnum dixero: Lumen est nostro tempore inter Doctores Ecclesie. Viuat sibi, viua Ecclesie, & religione Catholice.

Addamus & alterum ex eiusdem Academiae monumentis.

Sed ad propositum, & incomparabilem virum Petrum Canisium diuerto, cui tamen Encomiasticum minimè pollicor, sed id tantum præstiturum, ut eum ab obliuione apud posteros vindicem, & qualemcumque inter Theologos possit habere locum. Dicamus tamen

tamen quod sentio: vir est diuini propemodo  
dum ingenij, & eruditionis incomparabi-  
lis, Philosophus eximius, quod illi penè cum Canisius  
Orator,  
Conciona-  
omnibus Patribus de Societate commune  
est; Theologus profundus, & lectionis insi-sophus,  
Theologus  
nitæ, quod cum plurimis; sed quod illi neqz omnino cum multis, neqz omnino paucis est  
commune, Orator valde eloquens, Eccle-  
siastes pariter grauis, & iucundus.

Probauit & eruditionem suam & elo-  
quentiam, & in dicendo prudentiam (nam-  
que eloquentia sine prudentia & eruditione  
est inanus garrulitas) saepius Illustrissimo  
Duci Bauariæ Alberto Quinto, cui iure &  
merito fuit gratissimus; tum etiam multis  
annis Ecclesiæ & Vrbi Augustanæ, unde dis-  
cedens tanquam sui amoris quoddam pignus  
reliquit Dominum Gregorium Roseffum.  
Deus Opt. Max. tantum virum tam fortē  
Ecclesiæ suæ propugnatorem, tam bene de re-  
ligione meritum, lumen deniqz Doctorū Ec-  
clesiasticorū amplissimū & clarissimū quam  
diutissimè seruet in columē, Et post hāc vitā

pro

*pro exaltatis eius in Ecclesiæ & religio-  
nis incolumentem & incrementum labori-  
bus, eternam ibi æternæ vitæ coronam be-  
nignè largiri dignetur.*

*Ex Patrū Academ-  
corum, Et Academia  
ipsius iu-  
dicio de  
Canisio.* Hæc de viuo Canisio Annales In-  
golstadt. Posuit eidem mortuo Ac-  
demia Theologica hocelogium.

Petrus Canisius Neomagensis ex Gel-  
dria, S. Theologiæ D. primus è Ger-  
manis Societatis I E S V Religiosus ve-  
rè Germanus, ac deinde eidem Soci-  
etati in Germania primus Provinci-  
alis Præpositus, ab ipso B. Patre Ig-  
natio ob insignem animi modera-  
tionem, constantiam, prudentiam,  
àsummis ad summa non raro missus,  
vocatus, postulatus: à G V I L I E-  
MO IV. vtriusq; Bauariæ Duce ad hæc  
Academiā, in qua professoris The-  
ologi, Procancellarii & Rectoris mu-  
nere functus; ab Othono Cardinali,  
Episcopo Augustano ad S. Conciliū  
Tridentinum à \* CAROLO V. Im-  
peratore in Causa Religionis Wor-  
matiam

\* Ferdi-  
nando.

matiam; ab Imperatore Ferdinando Augustam, atq; ad Episcopatum Vi- enensem, quem recusauit. à Pio IV. Pont. Max. ad fidem in Germania ac Polonia propugnandam, propagan- dam, &c. Dum & sacris concionibus, etiam apud Imperatores & Duces af- fiduè habitis, & variis libris pro fide, pro pietate editis, rem Catholicam mirificè iuuisset, promouisset, & per- petuam vitæ innocentiam, & sum- miam in omni virtute præstantiam, admirabilem sanctitatis opinionem consecutus esset, tandem Friburgi Heluetiorum sanctam animam Deo reddidit die festo S. Thomæ Apostoli. Anno C I O. IO. XC V I I. Vixit annos LXXVI. Menses VII. dies XIII.

Guilielmus Eisengreinius in Ca-  
talogo testium veritatis. Petrus Canisi-  
us, sacrae pagina Doctor, Societatis I E S V,  
vir cùm eloquentia, tum multarum rerum  
peritia & mirabili ingenii fulmine præstan-  
S tissi-

tissimus, philosophus clarus, Orator facundus, Theologus sacrarum legum exercitatus, Catechismum Christianum perfecit. Sacra quatuor Euangelia, & Epistolas Pauli commentarius illustravit doctissimis, Martyrologium siue de Sanctis Ecclesie scriptis.

Cornelij  
Loos.

Iuuat & Cornelij Loos Callidius tabulas adducere ex libro de illustribus Germaniae scriptoribus.

Petrus Canisius Nouiomagi Geldri Belgij prouinciae principe oppido, ex honesta familia Patre consule progenitus. Quum rei literariae felicem operam nasset, utraque lingua doctus; quo maiore commoditate sacris studiis posset incumbere (ut de eo quidam scribit) ordinem Societatis ingressus est. Qui sacrae professionis sublimi purpura donatus, Ingolstadt, Diliniga, & in aliis Gymnasiis, & Germaniae locis diuinas literas professione praeedit; simul alia pietatis officia solumne exequens. Quumque preter eruditionem insi-

in signi facundia præmineret, Augustæ  
Vindelicorum Ecclesiastes quondam ab  
Othono Cardinale Augustano constitui-  
tur. Quam functionem cum magno Ca-  
tholicæ religionis zelo exequeretur, ut ip-  
sum aduersus profanas hærescon nouitates  
assereret, & comprobaret, nominis cele-  
britate passim omnibus innotuit, adeo  
ut sui ordinis columen facile habere-  
tur.

Nec Ioannes Cochlaeus tacuit  
Canisium Epistola ad Hieronymū  
Verallum Archiepiscopum Rossa-  
nensem, postea Cardinalem, &  
Nuntium Apostolicum ad S. C. M.  
Eystadio (anno c. 15. 15. XLV. Wor-  
matiam reor) missa, qua primos  
nostræ familiæ Patres vocat inte-  
gerrimos, doctissimosque viros, piis-  
simos in Societate nominis I E S V  
Christi fratres, M. Nicolaum Bobadil-  
lam Hispanum, & M. Claudium Ia-  
num Allobrogem, ac M. Petrum Canisium

S 2 Sicamb-

Sicambrum, qui, inquit, cum Reuerendissima Dominatione tua familiarissime conuersantur, ac Deo & proximo omni pietatis & charitatis officio famulantur.

*Baronij  
Annals  
primo.*

Illustre quoq; de Canisio iudicium est Baronij Cardinalis. Interim, inquit, his fruere, quæ venerandus P. Canisius, cuius laus est in Euangelio per omnes Ecclesias, non minus piè quam ornatè atque eruditè suo more scripsit. Eiusdem leges de Canisio elogium A. xxxi. Licet ad illos imperitiæ, dementiæ, ac ut uno verbi dicam, nequitiæ redarguendos summo iure non defuerit vigilans studium eruditissimum ac maxime pii viri Petri Canisii, ad quem, qui tanta cupit, amandamus.

*Bonhomij  
Episcopi  
Vercellen-  
sis.*

Quid de Ioanne Francisco Bonhomio antistite Vercellensi dicam, qui Canisium Senatui populoq; Friburgensi primùm sistens: *En*, inquit, habetis virum non secus ac pignus quoddam sacrum, singulari venerationis cultu prosequendum, custodiendumq;. adeò religiosè de Canisio minimè malus pietatis arbiter sensit.

Riba-

Ribadeneira in syllabo scriptorū Ribade-  
Societatis hæc de Canisio tradit: Pe-<sup>nebra.</sup>  
trus Canisius natione Belga, patria Louio-  
magensis, à puero se dedit studio pietatis.  
Cum nata nondum esset Societas, fæmina  
quædam opinione sanctitatis vulgo nobilis,  
matrem eius admonuit, ut magna Petrum  
cura educaret, quod breui Religio quædam  
Clericorum instituenda foret, quæ eximias  
Dei Ecclesiæ utilitates esset allatura, in quam  
Religionem filius eius adscriptus vir appri-  
mè insignis haberetur. Vaticinium seu præ-  
fensionem feminæ rei probavit euentus. Nam  
paulò post Societas instituta est, in eamq; Pe-  
trus anno salutis C I O. I O. X L I I I . P. Petri  
Fabri opera primus omnium Transalpino-  
rum cooptatus, illam exemplo, doctrina,  
præstantis ingenii monumentis recens na-  
tam mirum in modum illustrauit. Germaniam  
superiorem Præpositus Provincialis re-  
xit, concionibus auxit, Hæreticos disputa-  
tionibus repressit, Catholicos confirmauit.  
Ex quo hæretici Canisium C A N E M  
A V S T R I A C V M per ignominiam ap-

S 3      pella-

pellabant, quod in Austria plurimum ver-  
saretur: Sed haud canem mutum, aut non  
valentem latrare, sed qui latratu ac mor-  
tuos passim grassantes ab ouili Christi ar-  
ret. Episcopatum Viennensem à Ferdinando  
Romanorum Rege, sibi oblatum constanter  
repudiavit. Rursum: Porro de Canisii cando-  
re animi, puritate, humilitate, deuotioni,  
orandi studio perfecta omnium humano-  
rum affectuum mortificatione, ardore fidu-  
animarum Zelo, indefesso labore, & perpe-  
tua contentione, qua religionem Catholicam  
semper tueri, ornare, amplificare nō desitit.  
Ceterisq; eius ornamētis virtutū, multa pos-  
sent dici, que iustum volumen desiderant.

RUBERTI MYRÆI IUDICI-  
VM DE CANISIO, ET EN-  
COMIUM.

AB soluam hoc caput ubi nouas  
Myræi tabulas pro honore Canisij explicaro. Sic enim ille in Elogijs  
Belgij scriptorum: *Vt magnum illud*  
*Ecclesiæ lumen Augustinus olim in Affir-*

et Manicheos, Donatistas, & Pelagianos;  
 sic nostra etate Lutheranos, Caluinistas, &  
 Anabaptistas in Germania strenue Canisi-  
 us oppugnauit. Is Neomagi, quod vetustum ac  
 celebre Sugambrorum, (Ducatus hodie Gel-  
 drici oppidum est, ad Vahalim fluum) Patre  
 consulari natus anno CIC. IC. XXI V. (errat natus est  
 in annis Myræus) adolescens ob varias in- non XXIV  
 genii dotes, Moguntiae celebris fuit. Eo tamen for-  
 te Colonia Agrippina Petrus Faber Allobrox  
 unus ex decem primis Ignatii Loiolæ sociis ve-  
 niens, Petrum morum innocentia & doctri-  
 na singulari sibi charum in Societatem IESV ado-  
 ptauit. Post in Italiam missus, Primus sociorum  
 Rhetorica in Sicilia docuit; Ciceronem quotan-  
 nus assidue legens: Vnde eam sibi eloquentia gra- Canisius  
 ui Theologo dignam comparauit, ut seculi sui Hieronymus  
 Hieronymus audiret. Inde euocatus ab Ig- mss.  
 natio mittitur ad Guilielmum Bauariæ  
 Ducem, Ingolstadii scholasticam quam  
 vocant, Theologiam professorus, Al-  
 phonso Salmerone & Claudio Iao collegis.  
 Sed & alias Germania Academias, in eis Vi-  
 ennensem Austriorum, Pragensem Bohemorum,

S. 4 Dilin-

Dilinganam Sueuorum, Colonensem Vbiorum, Friburgensem Heluetiorum docendo illustrauit. Concionibus autem (nam & Germanica lingua disertus erat) in aula Ferdinandi & Maximiliani Imp. Guilielmi & Alberti Bauariæ Ducum, Othonis Truchsessii Cardinalis Augustani, aliorumq; principum valuit. Ferdinando Cæsari in primis charus erat acceptusq;, cuius etiam auctoritate ac iussu Catechismum verè aureum bono publico conscripsit: quem ciuiis eius ac propinquus Petrus Busaeus Societatis eiusdem Theologus, citatis è SS. Patribus integrè locis mirificè illustrauit. Eiusdem quoq; Imperatoris auspicio Pragæ primus Collegii Societatis fundamenta posuit, quo Hussitarum, & Wiclefitarum hæreses infringenterentur. Et mox Ignatius Germania Prouinciale praefectum instituit. Cumq; ea ferè tempestate Ministri Magdeburgenses sumtibus protestantium in Germania Principum, Centurias, hoc est, mendaciorum plastra euulgassent, primus ferè Canisius pro Deipara virginе & Christi Domini præcursorē pugnatuit,

uit; edito ingenti de corruptelis verbi Dei  
volumine, quo petulanter atq; impie Diuus  
insultantium hæretorum calumnias dissi-  
pauit. Annis iam plurimis docendi concio-  
nandiq; munere consumtus, qua cogitata  
primum, recte q; obseruata de SS. Apostolo-  
rum dictis factisq; contra sectarios in aduer-  
saria reiulisset, quæq; in Euangelia anni to-  
tius legendo pieq; meditando notasset, litera-  
rum monumentis disertè consignauit; voca-  
uitq; NOTAS ET MEDITATIONES  
EVANGELIORVM, festorumq; anni  
dierum. Eis sanè perutiles qui de superiore  
loco cum spiritu fructuq; de verbo Dei disse-  
rere, ad populumq; verba facere in tanta  
Homiliarum copia student. Apud Heluetios  
ad extremam usq; etatem degens, adeo ca-  
rus fuit, ut eripi sibi innocentissimum vi-  
rum minimè paterentur. Naturæ concessit  
non sine opinione sanctitatis Friburgi in  
Helvetiis, CIC. IO. XCVII. senex quidem  
& etate defecta, qui tamen propter excel-  
lentem doctrinam ac virtutem videbatur  
omnino mori non debuisse. Hæc Myræus  
S; quasi

quasi panegyrica Canisio condens,  
tetrastico conclusit.

*Quis fidei expediet mysteria ! Petrus opella  
Exigua fidei grande recludet opus.*

*Petrus, quem coluit felix Germania Patrem  
Quem stupuere olim curia, templa, schola.*

Sed literæ & eruditio & præcepta  
viuendi libris tradita tum demum  
prosunt auctori, nec minus lectori,  
cum rationes vitę à doctrina non dis-  
sentiant, quod vt faceret Canisius,  
**omni ope contendit, vti tribus sane**  
libris iam ostensum est.

Iam aduersariorum opinio de vir-  
tute & eruditione Canisij non minor  
erat apud plerosq; omnes, quam no-  
strates, quos supra ad testimonium  
citaui, cum ostendi illum vel aucto-  
rem Societatis viuerae existima-  
tum, vel certè eiusdem in-  
stauratorem.

DE